



kat.komp.

14372

III Mo. St. Dr.

P

scus

Placzkowski Alberti. Regimen magnum  
sub felicissimis auspiciis virtutis, sapientiae  
et meritorum doctorali laurea theologiae  
coronatum.

PANLO. et VITAE

Polon. Fol.

№ 421







# REGIMEN MAGNIFICUM

Sub felicissimis auspicijs

*Virtutis, Sapientiae & Meritorum,*

DOCTORALI LAVREA THEOLOGICA  
CORONATUM;

dum

*Magnificus, Perillustis & Admodum Reverendus Dominus*

D.M. FRANCISCUS  
KALEWSKI,

S. Th: Licentius & Professor, COLLEGA Major, Ecclesiarum Collegiatarum SS. OO. Crac: PRÆPOSITVS, S. ANNÆ DECANVS, Zielonecensis CVRATVS, Historiographus Petricianus, Contubernij Sisiniani PROVISOR, Studij Generalis, Almæ Vniversitatis Cracoviensis.

Vigilantissimus R E C T O R.

*Perillustri & Reverendissimo Domino*

143724

D.M. MARTINO  
WALSZYNSKI,

S. Th: Doctore & Professore, ejusdem Facultatis DECANO, Collegij Majoris SENIORE PATRE, Ecclesiarum, Cathedralis Cracoviensis CANONICO, Montis S. GEORGII in Scepusio & Præmykoviensis PRÆPOSITO, Contubernij Hierozolymitani PROVISORE, Canonizationis B. IOANNIS CANTII PROCURATORE, Librorum per Dioecesim Cracoviensem Ordinario CENSORE, Studij Generalis Vniversitatis Cracoviensis

PROCANCELLARIO,

*In Ecclesia Collegiata Sanctæ ANNÆ*

SACRÆ THEOLOGIÆ DOCTOR

Ritu Solenni crearetur;

*Inter publicos Ordinum Academicorum applausus,*

à

M. ALBERTO PLACZKOWSKI, Philosophiæ Doctore, Rudoviano Professore, Collega Minore, Vniversitatis Cracoviensis SYNDICO.

*Officioso calamo*

P R O M U L G A T U M.

*Annò Regnantis in carne humana DEL. 1732. Mensis 30. 7bris*

CRACOVIAE Typis VNIVERSITATIS.



# REGIMEN MAGNIFICUM

Sub felicissimis auspicijs

*Virtutis, Sapientiæ & Meritorum*

Doctorali Laureâ Theologicâ

## CORONATUM.



### Benè & feliciter

suis inaugurantur Imperijs,

Virtutis murice Purpurati,

aurô decori Sapientiæ,

cumulô Meritorum graves,

Sceptrorum Moderatores.

Non est opus,

Delphos ut petant sciscitatum Oracula Phæbî,

quis fuerit eorum progressus dominandi?

Non à volucris Romuli,

aut à flammis parvi Iuli tempora lambentibus:

non à vitris cælo decidentibus ab alto,

frontemq; coronantibus Timpleonis,

vana omnia prosperioris Regiminis capiant.

Felix



# Felix Imperium;

cui

pro signis futurorum successuum Insignia hæc:  
Virtus, Sapientia & magnitudo gestorum cessere.  
Regulam illa & rationem bene agendi, tanquam medium;  
ut omne beatum Regnis eveniat,  
titulis suis referunt.

Et quid est in Regimine Magnificentius, quàm idem, quod felix.  
sed nisi adsit virtus,  
in qua *posita est vera felicitas;*  
dici & esse tale non meretur.

Nisi præsit sapientia, quæ ipsis dominatur astris;  
& cælos sibi propitios inclinat;  
nihil Regnis de influxu eorum benigno affluit.  
Nisi exēpla rectefactorū, ut pote: *efficacissima lex & norma,*  
in vita Imperantium elucescant;

Regimen felix & Magnificum non est.

Honoris Magnificentia inde eminet,  
si magni animi & meriti Viros ambiat;

quod, ut felicius nihil, ita nil augustius habet.

Augustus in Purpura, Orbis Universi Majestas,  
Titus in folio, generis humani deliciae.

Galbae silierniū in murice, Domitiani cum ferreo stylo inter muscas,  
infamia Majestatis & in larva ridiculus honos.

Nimirum,

Pumex in annulo auream gemmarum sedem,  
quam adamas, aut topazius ornat, dedecorat.

Hinc gemmis honor; inde aureo honori probrum.

Infelicis ille despectus; hi sunt eminentiæ prosperioris indices:  
ille nec rotā fortunæ atteri dignus; hi inserendi coronis.  
Sanè dantibus documenta rebūs,



quantum inest virtutis, eruditionis & meritorum  
Viris Principibus;  
tantum inde Honori Majestatis, Majestati felicitatis  
& Magnificentiae,  
adeo;

ut vectigales Orbis applausus mereantur;  
Coronas & Panegyres.

Sub his felicissimis auspicijs  
Regimen verè Magnificum  
in Te

*Magnifice Perillustri & Admodum Reverende Domine,*

**D.M. FRANCISCE  
KALEWSKI,**

Sacrae Theologiae Licentiate,  
Universitatis **RECTOR**

Vigilantissime,  
hodiè Theologicà Laureà  
Coronatum.

Regimen illud,  
primum in Regno Virtutum,  
mox in Regno Sapientiae,  
omnibus rectefactorum numeris absolutum.  
Consentit cum flore fructus, cum aurora meridies.  
Vix degenerat à tenero maturus Vir.

Imò

ex ungue leones discimus, ex infantia Viros.

Flores



Flores imbellem probant Adonidem.  
Invictum Herculem serpentes in cunis elisi.  
Quantus crevisti à fascijs ad Fasces,  
non vano omine, Literarios;  
jam in sinu benignioris Lucinae,  
ex primis Virtutum lineamentis noscebaris.  
Moribus ingenuis quantum inter ceteros eminebas adolescentes,  
maturæ dotes, agmine claro Te circumstantes;  
cum in Coronam Tibi sinuarentur,  
jam Te Domi Tux, recti, honestiq; Regem, non puerum esse indicabant.  
Phæbo dignam indolem Tuam Palladi mancipasti,  
præfago spiritu,  
illorum recturus animos, qui ingenio vivunt.  
Felix mancipium,  
nam: *benè imperat, qui sic subesse novit.*

Dilectus Musis,  
& Musarum magnis Cultoribus,  
tantum effecisti;  
ut in cordibus eorum jam regnares Alumnus.  
Per arduos Parnassi colles gloriosius incedenti,  
cessit Tibi Apollo sedem.  
Dextrè in arena luctanti Literaria,  
aperuit Campum Tullius.  
Regiam Porphirius ex Arbore struxit,  
facile Principi animorum.

Parum erat,  
nisi, quos in amorem Tui traxeras,  
Te traherent ad Craciam Minervam  
Summi Ingeniorum Æstimatores;  
non falsò ominati: dulce Tuum Natale Solum,  
Majorem Poloniam;



illam Magnorum Altricem Virorum,  
vasto & ultra annos dilatato spiritui Tuo non sufficere;  
nimilq; angustum fore domicilium,  
ni etiam Regni Athenas peteres.  
Gratus Hospes Regijs Musis aderas;  
ut ad mentem earum saperes,  
studuisti.

Mox arbitrio eruditi Senatûs & applausu,  
Coronæ Philosophicæ hæserant Capiti Tuo libentes;  
ceu noscerent, quàm dilectam Peripato frontem coronarent.

Doctarum hæc præmia frontium,  
ad altiora evocârunt animum,  
ut Caput, quod Pallade dignum, svaviùs presserant,  
MYSZKOVIANO inferres Parnasso.

Marchionalibus Musis,  
tantùm inde accessit lætitiæ,  
quantùm priùs mæroris Kielcensibus:  
quæ, Te Præside suo mutante sedem,  
illinc, nimium pertæfæ, migrârunt.  
Cultura ingeniorum quanta in hac Colonia,  
quam Doctissimus annis cum pluribus incoluisti Professor,  
ex Tua cultissima conijcimus mente,  
ex Tuæ gloriæ messe;  
cùm sint gloria Chironum, docti Achilles,  
colligimus.

Didiceras sapere, non ut emineas, sed prosis,  
more *fertilium arborum,*  
*quæ onustos fructibus vertices inclinant,*  
*majori cum laude, quòd plures germina sua carpentium*  
*oneraverint sinus, quàm quod emineant ramis.*  
Quidquid enim in Grammaticis eruditus callebas Palæmon,  
tenellis instillasti mentibus.



Ex fontibus quidquid hauseras Aganippeis;  
ex Te omnes hauserunt abundantius.

Quidquid ex florido Tullij legisti Campo;  
totum id sibi in magnos verborum cumularunt acervos  
Eloquentiæ Tuæ Cultores.

Dignum erat, ut Caput Tuum, aurum optimum;  
quod monti Myfzkoviani Parnassi intuleras;  
ad Magnificum Regimen:

ad Regimen (inquam) Magnificarum mentium erigeres;  
natus non Tibi, sed usibus Orbis.

Gentilitius

TEGOBORSCIORUM  
SRZENIAWA,

pretiosis orbem inundans fluctibus,  
Te hinc Orpheo Diviniore dulcia modulante,  
cursum suum sistere,

plusquam Xerxeis catenis, ligatò Tuò invinculari stylò,  
gratò eloquij susurrò, more fluentium undarum, flecti,  
felicitati duxit.

Vnde inæstimabiles, quos volvit, Vniones,  
in STEPHANO CAPITANEO Bochenfi,  
vel suo Nomine coronâ digno,  
in JACOBO, ni huic fata longiorē vitā invidisēt,

TEGOBORSCIIS,

Tuò ingeniò tanquam Lydiò probati lapide,  
pretium suum in pretio haberent,  
in publico nitentes.



A vitæ  
WOŁOVICIORUM

SAGITTÆ

Tibi pharetrato, quia nobilioribûs instructo artibûs,

Apollini suo cessere;

ut arcu Tuæ prudentiæ emissæ,

alterainDominico, alterainMartiano,

WOŁOVICIIS,

ad metam Honorum felici impulsu dirigerentur.

Insignia Decora Poloni Orbis

KOMOROWSCIORUM  
FLUMINA

intra Parnassi juga,

Te Phæbo prospiciente,

avidius fecere illapsum,

reflexo Clarissimi ingenij Tui lumine

suos multiplicatura splendores:

optato eventu,

in Ternione Nobilissimo,

STEPHANO, ADAMO, JOSEPHO,

Illustrissima.

Nec immeritò Regimini Tuo parere elegerunt

Magnifica Nomina,

quæ probus & innocens animus, idemq; solidè eruditus,

quo



quo semper excellis,  
innatâ vî & occultâ,  
nempe, velamine modestiæ tecta Virtute,

Tibi adhærere coëgisti,

eâ violentiâ,

qua gemmæ adhærent auro, & ab illo tenentur:  
pulchrius eminentes.

Hinc favor in Te,

*ILLUSTRISSIMI olim & EXCELLENTISSIMI*

DOMINI,

D. JOSEPHI

GONZAGÆ

MARCHIONIS in Mirow

MYSZKOWSKI,  
CASTELLANI SANDOMIRIENSIS,

tantò propensior,

quantò dexterior in Regimine erudito spectabaris.

Arbiter hic ingeniorum & Princeps,

cujus Athenæ Caput,

eò Te majoribûs cumulabat gratijs,

quò plures ex Athenæo suo Marchionali,

utraq; Pallade dignos:

quia & Togæ & Sago non ineptos;

ipse non inani:

gratos Patriæ Cives,

Confos & Cyneas futuros,

plaudente Tuo Nomini fama,

prodire vidit.

Directoratum Tuum jam tunc, ut etiam Ipse Magnificum redderet,

C

obruere



obruere Te benefica manu voluit;  
in Bonis Marchionatus sui Beneficia offerendo:  
nisi elegisses multa mereri FRANCISCVS non habere,  
optimè gnarus:

*non tam à magnis fortunis, quàm à magnis meritis,  
& à magnis operibus Nomen Magnifici derivari.*

Magnis ergò intentus eras.

Lingua Te prodit facundissima;  
quæ, ut mentis, ita laborum eruditorum interpretes est.

& si tacueris,

Clarissima sunt opera Tua;  
ingeniosò exarata calamò,  
aurò cedròq; notanda.

Via in Domum Æternitatis,  
ad funebralem pompam

*Illustrissimæ olim & Excellentissimæ*

MARCHIONIDIS in MIROW

**MYSZKOWSKA**

CASTELLANIDIS SANDOMIRIENSIS;

lugubrî quidem stylò delineata;  
sed floribûs & gemmîs verborum Tuorum strata,

Appiam triumphalem dixerim,  
fatis indicat,

quam viam in statione Academica,  
laboriosus dilexeris Hercules.

Harmonia

concordi Virtutum resonans concentu

**B. JOANNES CANTIUS**

corde



corde & ore,  
pennâ & foliô Tuô  
Vocalis,  
nil aliud sonat,  
nisi optimam laborum & meritorum,  
Virtutum & Sapientiæ,  
cum vita Tua consonantiam.  
Quàm fueris inter Scholasticos angores lætus:  
inter discordes rerum eventus, concors animô;  
unde: *apparet Virtus arguiturq̃,*  
domesticæ pacis & CANTIANI Moniti:  
Conturbare cave.

amantissimus,  
hæc dulcis melodia promulgat.  
Templum Honoris  
ad Sacram Theologici Doctoratûs Coronam

*Perillustri & Reverendissimo Domino*

**D.M. MARTINO  
W A L E S Z Y N S K I,**

Sacræ Theologiæ DOCTORI, & PROFESSO-  
RI, Collegij Majoris SENIORI PATRI, Ecclesia-  
rum, Cathedralis Cracoviensis CANONICO, &c.  
Magno rerum Academicarū Statori,  
Phænici eruditi Sæculi:

C2 *trigon* Coro-



Coronarum Vavelli Gemmæ inæstimabili,  
Principum Amori,  
Cordis Tui Delicio,  
reſeratum;

Tibi Ipsi ſolenni ritu applaudit,  
quòd tam Magnificum Opus:  
ut Magnificos decet,  
undiq; exquiſitâ materiâ ſtruxeris,  
& ſplendidò verborum adornaveris apparatus.  
Monimentum id magnæ Tuæ pietatis extat,  
tàm erga ſuperos, quàm erga terreſtres Ioves.

Illorum Cultor,

Sacris in Exedris Eccleſiaſtes diſertiffimus;  
Horum geſta, Aris digna, in Tempſa convertiſti;  
quaſi docueris:

*melius eſſe, facta Majorum colere, quàm imagines.*

Sic fidos inter labores,

quorum; *unius finis, gradus erat alterius,*  
iveras à Minori ad Majus;

Non ſolùm ad Collegia,

ad quæ Te robusta Meritorum brachia intulère;

ſed à minoribus curis; ſi compendiò utar,

aut illa phraſi, qua: *maxima, dicuntur eſſe minima,*

ad majores in Orbe Literario ſolicitudines,

legitimâ ſemper conſequentiâ,

ab excellentia operum, ad Honoris Magnificentiam.

Nondum Philoſophicum conſummaveras Curſum,

jam Te Decanalis texit Purpura;

ut, quem ad laborem Regium, quia *Vladislavianum,*

præcurſorem novit dexterrimum,

in



in Principe laborum & animorum,  
cujus pectus ad ardua quævis Divinò incaluerat enteò,  
eminere non erubesceret.

Non hîc meta,

Major Domus, majorum curarum sedes est;  
præter domesticos, publici se ingerunt concatenati labores.

Non solis Te consecraveras Aris,

Myſta facerrimus:

etiam primò introituris ad Altare DEI  
in vota cessisti, an in victimam,  
valetudini Tuæ non parcens,

O&enniò Doctissimus eorum Examiner.

Delectus à Summis Viris ad hanc crisim ingeniorum,  
ostendisti in cryſtallo animi Tui, quàm niteres;  
cùm ad speculum Tuum alij componerentur.

*Revelaſti unicuiq; quàm luci eruditæ vicinus ſteterit,  
nec diſſimulaſti ex Tripode veri, ſi quid ad ſpeciem fucatum,  
locutus animis tam exactè omnia, quàm intus agebantur.*

Locutus es,

& ecce Cathedræ Eccleſiaſticae,  
feliciùs Tonantem audire Periclem,  
omnes appetunt.

Divina Oracula,

quæ ab ore Tuo Cracijs toties in Baſilicis  
ſonabant ſvaviùs & ſonant,  
cælo vicina Vavelli juga eò gratiùs excipiebant,  
quò plures gemmas non verba,  
unò propè luſtrò,

Trinis interebas Coronis.

Magnum erat Jubileum,

D

cùm







dum in publico Literatorum Conlessu;  
Domi, tum aliena in Acie,  
non sine triumpho & plausu,  
lingvâ & ingenio decertas;

optimus ut sit,  
Virtutum, Operum, ac Sapientiae Tuæ;  
ex contrario concentus.

Benè est:

*Virtus dum dimicat, micat.*

Lumen doctrinae à Thomistico mutuatum Phæbo;  
quod in Te maximum est,  
ab opposito magis elucescit.

Regimen ipsum in Regno Sapientiae,  
à devictis Imperioq; animi Tui subjugatis,  
in eruditis certaminibus, aliorum ingenijs,  
Magnificentius in Te eminet.

Quid ni Tibi Iagellonica Pallas Fasces suos inclinaret,  
cui tantus in animis & in Orbe Literario triumphus.

Felicius nulli, quàm Tibi,

Magnifice Domine **RECTOR**,  
Sceptra Rectoralia cessere,

Qui par Summis Viris ad regendos animos natus,  
factus es ingeniorum Magnus Apollo;

Tecumq; Sapientiae Delphos ubiq; circumfers.

Posueris quanquam infra Te Insignia hæc,  
magnum effugiens honorem;

sed umbra virtutis honos, eam vel invitam sequi debet;  
ne, dum suo destituitur præmio, sine honorario comitatu  
apud alios vilescat.



Evitabas omnibûs eminere,  
inde major Tui apud omnes æstimatio.

Nam:

*Prostat ubiq̃ pumex & alga, gemmæ sub concha sunt.  
Plumbeæ animæ tollunt ad fastigia manus,  
aureas mentes ægrè cogas.*

Magno & præcellenti animo Tuo placuit  
*sine dote Virtus, sine ambitu honos;  
cùm ad utriusq̃ coronam sufficiat meruisse.*

Sic tamen reluctantem eò ardentius Rectoralis appetijt Honor,  
ad cujus fastigium  
votis concordantibûs omnium, cordibûs applaudentiû  
illatus es.

Veneramur Majestatem Tuam  
Augusta Magni Jagellonis in Aula.  
Quanta sit?

ex numerofo comitatu Virtutum,  
ex ingenti Meritorum pretio,  
ex splendido Sapientiæ apparatu,  
ad solem publicum, sub nube modestiæ Tuæ,  
facile conijcimus & miramur.

Amplius latere nequit,  
quidquid pectoris Tui in penetralibus,  
sì pariò humilioris de Te sensûs  
velatum est.

Liquida sunt, quæ, ut vitrum rosam, Magnificentiam Tuam produnt,  
eò splendidior  
quò innocens Tuus candidior animus.

Regi-



Regimen Tuum quàm felix?  
novimus:

*fortunatum esse Imperium, quod cum cælo  
commercium habet.*

Prima de DEO cura,  
cui Tu maxime incumbis,  
Principatum reddit secundum.

Quàm prudens?

Centoculô vigilantior Argô demonstras.

Catone gravior in serijs,

in dubijs Ulyssæ cautior;

Secutura acutè judiciô penetrans.

Curas, ne in turbido venientes, tumultuariæ exeant,  
ita suaviter excipis;

ut videantur prius ordinari, quàm irruere.

Quàm potens?

Indefessum videmus Te Atlantem,

Cujus lacertis incumbunt tot erudita lumina, tot Orbes;  
*habentq; suos excentricos, ut motibus etiam contrarijs eant.*

Grande onus, nullumq; Scepbris operosius,  
quàm liberis imperare mentibus.

Tibi soli (dicam audentiùs) divinitus concessum:

leni Imperiô & eloquiô potenti

flectere animos, corda devincere.

Adversa quæq; Reip: Literariæ impendentia,  
procul ab erudito Orbe propulsare:

Quàm pacatum?

Regis ad exemplum totus facilè Orbis componitur.

Serenitas mentis Tuæ in suo radiantis diaphano,

E



morum temperies,  
Animus nullâ impetuum fluctuans procellâ,  
pacata intus omnia,  
puro conformia cælo,  
tranquillum reddunt Imperium.  
Tibi innatum molestos dissidiorû compescere fluctus,  
tempestatesq; sonoras,  
ac si:

*nunquam saniozem credas Remp: quàm ubi turbati  
Civium humores, Regentium attemperantur humoribûs.*

Oderint pacem turbatores ejus,

Tu nihil magis amas:

nil magis æstimas in Corona Sceptrorum Rectoralium,  
quàm vinculum charitatis & animorum unionem.

Quàm Magnificum?

Magnifica testantur opera.

Jovem Te credimus benignissimum,

vel ideò sæpiùs devoto ore Tonantem;

ut aureis Cælum, favorum suorum depluat nobis imbribûs.

Phæbum colimus in Parnasso Tuo,

æquè omnibus gratiosis allucentem radijs:

æquè de Tripode Scientiarum,

erudita pandentem Oracula.

De Thesauris Sapientiæ Tuæ quidquid profers,

liberaliùs in Orbem spargis Literarium.

Munera quæcunq; subis, Magnificentiam Tuam loquuntur.

Cælites laudibûs Te suis extollunt,

quorum, munificâ dexterâ Honorem auges.

Basilica Zielonecensis

suum nacta FRANCISCUM,

Late-



Lateranensi non invidet;

ab extra manibûs Tuïs suffulta liberalibûs,  
intus decoribûs splendidioribûs nitens.

Quàm pius es in Aras Divorum,  
tàm inde Magnificentior;

cùm: *Sacra opera opes adaugeant.*

*Quæstuosissima est pia in superos liberalitas,  
dum cælo censum pendit, nunquam sine censu est.*

Quàm pulchrè spōsas Christi quibus præfulges titulîs,  
splendido apparatu exornas,  
erigis, fulcis;

tàm pulchrum in Regimine Tuo mereris Nomen,  
verè Magnificum.

Vt Superis laus prima est,  
ita Principibus placuisse Viris non postrema.

Tu Regni Procerum generosos animos,  
funiculîs magnarum dotum Tuarum,  
in amorem Tui traxeras,

adeò;

ut promovendo Sanctorum cultui,  
Bono communi conservando,  
& Nobis,

benè sit apud Illos propter Te.

Majestatis, Legumq; Custodes, iustitia & Veritas,  
Tibi pari jure dilectæ,

gratulari sibi videntur, quòd pectus invenerint,  
in quo Magnificentiam suam explicant.

Narrabunt de Te sæcula,  
quæ HISTORIOGRAPHUS PETRICIANUS  
factis implet, factis animas;



Posteritati ad cautelam:

*esse tantum in vita, non esse vitale ad gloriam.*

Vnica Virtus Coronam non implet.

*Ceteris hominibus singulae ferme virtutes sufficiunt,  
pauciores Princeps habet, nisi omnes habeat.*

Circulus vitae Tuae minimè vitiosus est,  
à puncto infantiae, ad hodierni honoris punctum,  
omnium Virtutum lineamentis constat,  
omni meliori scientiarum efformatur metallò:  
omnibus pretiosis meritorum gemmis distingvitur;

Magnifico Regimini Tuo,  
desinens in Coronam.

idest;

Sacram Lauream Theologicam.

Benè convenit conscia immortalis gloriae Virtus,  
cum lauro immarcescibili.

Intelligentia cum Sphaera caelesti.

Atlas cum Orbe suo.

Felix saeculum,

ubi

in crudita tempora Tua suprema devolvitur Corona.

Redeunt novissima ad primum.

Redijt honos ad Sceptra,

quæ pridem in Stemmata Tuo ferebas.

Sceptris sua reposita Corona;

dum Sceptris digna geris.

Felicitas Tua nostrum est,

nostris consona votis.

Quod precati sumus à superis, evenit.

Illâ redimiris Laureâ, cujus centrum Cælum,

Tibi



Tibi terrestri Numini conforme.  
Sphæra Solis Justitiæ,  
Phæbo Nostro sinuatur in Coronam.

Thronus Sapientiæ,  
Majestati Capitis Tui defertur.

Novus Orbis;  
cujus Incola, solus DEUS,  
Columbo innocenti cedit.

Post amænissimum ætatis Tuæ Ver:  
post fervidam in æstu laborum Æstatem,

Autumnus,  
Cælestium fructuum ferax,  
Magnifico Regimini Tuo  
in proventum redit.

Rediisse & nobis potiora lapsis autumamus tempora,  
devoluto ad Te Sacrationis fortunæ Orbe;  
cujus motu,

concitamur in plausus Tibi gratulatorios  
Dignissimorum Hospitum Corona  
applaudit,

Coronato Regimini Tuo.

Orbes Academici  
animorum suorum Victori,  
delinunt in triumphalem Currum.  
Clientes Tuis mancipati beneficijs,  
in victimam.

Quorum ego minimus.




ad Aram Magni Nominis Tui  
appendo Vota:  
ut Sphaeram, quam ingressus es,  
**Honoris Theologici,**  
Summi in Ecclesia DEI;  
& in Orbe Academico,  
ambient Honores;  
Teq; ut centrum suum, Tuumq; Regimen,  
in Pylios annos  
prospiciant  
**Benè & feliciter.**



*J. xxii. 16. B.*



Biblioteka Jagiellońska



stdr0011404



1